

## SAMÞYKKT

### um hundahald í Reykjavíkurborg.

#### I. KAFLI

#### **Meginreglur, skyldur umráðamanns og orðskýringar.**

1. gr.

*Gildissvið og stjórnsýsla.*

Samþykkt þessi gildir um hundahald í Reykjavíkurborg og sætir þeim takmörkunum sem fram koma í henni.

Um almennan aðbúnað og velferð gæludýra sem og um ræktun, verslun, geymslu og leigu hunda gilda ákvæði laga nr. 55/2013, um velferð dýra og reglugerð nr. 80/2016, um velferð gæludýra. Samkvæmt lögum nr. 55/2013 um velferð dýra, fer Matvælastofnun með eftirlit og framkvæmd þeirra laga.

2. gr.

*Meginreglur og skyldur umráðamanns.*

Umráðamaður hunds er ábyrgur fyrir umsjá hunds, sem er skráður til heimilis á lögheimili við-komandi.

Heimilt er að halda hund í Reykjavíkurborg að því gefnu að umráðamaður hundsins sé lögráða, hundurinn skráður í hundaskrá borgarinnar og að uppfyllt séu þau skilyrði sem sett eru í samþykkt þessari, sem og í lögum og reglugerðum sem gilda um dýrahald.

Umráðamanni ber að tryggja góða meðferð, aðbúnað og umönnun hunds í samræmi við tegund, aldur og eiginleika dýrsins, sjá nánar 18. gr. reglugerðar nr. 80/2016 um velferð gæludýra.

Umráðamaður skal tryggja eftir fremsta megni að hundur sleppi ekki úr umsjá hans. Strax og umráðamaður verður þess var að hundur hafi sloppið skal hann gera ráðstafanir til að finna hundinn og handsama.

Umráðamaður skal gæta þess vel, að hundur hans valdi ekki hættu, óþægindum eða óþrifnaði, eða raski ró fólks og dýra. Umráðamaður skal ávallt þrífa upp skít eftir sinn hund.

Umráðamaður skal gæta þess að fara ekki með hund í aðstæður sem líklegt er að ógni ró hundsins eða valdi honum vanlíðan, s.s. fjölmennar samkomur og hávaða.

Umráðamanni er skylt að hafa gilda ábyrgðartryggingu vegna hunds vegna þess tjóns sem hundurinn veldur þriðja aðila. Ábyrgðartryggingin skal ná til alls tjóns sem hundurinn kann að valda fólk, dýrum, gróðri og munum í eigu annarra en umráðamanns hundsins sjálfs. Dýrabjónusta Reykjavíkur gerir heildarsamning við tryggingafélag eða -félög um slíka tryggingu sem tekur til allra réttilega skráðra hunda í Reykjavík. Iðgjald skal innifalið í skráningargjaldi og árlegu gjaldi, sbr. 13. gr. samþykktar þessarar. Dýrabjónusta Reykjavíkur skal upplýsa hundaeigendur um efni hópvátryggingarsamningsins, sbr. ákvæði IX. kafla laga nr. 30/2004 um vátryggingarsamninga.

3. gr.

*Dýrabjónusta Reykjavíkur.*

Dýrabjónusta Reykjavíkur annast utanumhald og umsýslu vegna skráningar hunda í samræmi við samþykkt þessa. Dýrabjónusta Reykjavíkur sér einnig um fræðslu og upplýsingagjöf til eigenda dýra og almennings, þ.m.t. um dýrahald í þéttbýli og þær reglur sem um það gilda hverju sinni.

Dýrabjónusta Reykjavíkur sér um föngun og vistun hunda í óskilum, móttöku dýra í hremmingum, samskipti við aðrar stofnanir innan sem utan borgarinnar, dýraeigendur og hvers kyns hagsmunar- og félagasamtök eftir því sem við á.

Dýrabjónustu Reykjavíkur er heimilt að semja við þriðja aðila um föngun, móttöku, vistun og ráðstöfun hunds í óskilum.

Starfsstöð Dýrabjónustu Reykjavíkur er í Fjölskyldu- og húsdýragarðinum.

**II. KAFLI**  
**Skráningarskylda, umsjón og eftirlit.**

4. gr.

*Skráningarskylda.*

Umráðamaður skal innan tveggja mánaða frá því að hann fær hund til umráða skrá hann hjá Dýraþjónustu Reykjavíkur á www.island.is. Skráning tekur einungis til eins ákveðins hunds og gildir á meðan hann lifir fái hann ekki nýjan umráðamann eða flytji úr sveitarfélagini. Skráning hunds er bundin við lögráða umráðamann og lögheimili hans. Skráning hunds er ekki framseljanleg. Eftirfarandi upplýsingar skulu liggja fyrir við skráningu:

Nafn hunds, aldur, kyn, tegund, litur og önnur einkenni hundsins.

Nafn, kennitala og lögheimili umráðamanns og annað það sem skráningarformtekur til.

Örmerkjanúmer hunds, sbr. ákvæði í reglugerð nr. 80/2016 um velferð gæludýra.

Umráðamaður skal staðfesta við skráningu að hann uppfylli öll skilyrði fyrir hundahaldi samkvæmt samþykkt þessari, þ.m.t. að ákvæði 5. gr. séu uppfyllt, ef um fjöleignarhús er að ræða.

Þrátt fyrir ákvæði 1. mgr. er heimilt að halda hvolpa, sem vistaðir eru á skráningarstað móður, án skráningar þar til þeir verða 16 vikna.

Umráðamanni ber að tilkynna Dýraþjónustu Reykjavíkur um aðsetursskipti með pósti á netfangið dyr@reykjavik.is og skal það gert eins fljótt og kostur er og eigi síðar en tveimur mánuðum frá breytingum.

Fyrrum umráðamaður skal afskrá hund á www.island.is ef hundurinn fær nýjan umráðamann. Flytji hundur úr sveitarfélagini eða dreppst skal umráðamaður afskrá hann.

Hundar í umsjá dýramiðlunar sem samþykkt er af Dýraþjónustu Reykjavíkur eru undanþegnir skráningar- og eftirlitsgjöldum á meðan unnið er að heimilisleit fyrir þá. Dýramiðlun er starfsemi hvort sem er í sjálfboðavinnu eða í atvinnuskyni sem tekur við og miðlar heimilislausum dýrum í vistun eða heimili.

Birta skal lista á vefsíðu Reykjavíkurborgar þar sem kemur fram heimilisfang þar sem hundur er haldinn.

Greiða skal skráningargjald skv. 13. gr. í samræmi við gildandi gjaldskrá.

5. gr.

*Hundahald í fjöleignarhúsum.*

Um hundahald í fjöleignarhúsum fer samkvæmt lögum um fjöleignarhús nr. 26/1994. Áður en hundur sem stendur til að halda í fjöleignarhúsi er skráður ber umráðamanni að tryggja að hundahaldið sé í samræmi við ákvæði þeirra laga og reglur viðkomandi húsfélags.

6. gr.

*Hundar ekki skráðir í Reykjavíkurborg.*

Hundar, sem ekki eru skráðir í Reykjavíkurborg, mega dvelja í sveitarfélagini án skráningar þar, en þó ekki lengur en fjóra mánuði á almanaksári. Ef fyrir liggar að hundur muni dveljast lengur en fjóra mánuði innan lögsagnarumdæmis Reykjavíkurborgar skal hundur skráður hjá Dýraþjónustu Reykjavíkur, sbr. 4. gr.

Um skammtímaheimsóknir hunda í hús gildir ákvörðun eigenda einbýlis- og fjöleignarhúsa hverju sinni og/eða reglur viðkomandi húsfélags og laga um fjöleignarhús nr. 26/1994.

7. gr.

*Hundar á lögbýlum og þjónustuhundar.*

Hunda á lögbýlum skal skrá og skal umráðamaður þeirra greiða skráningargjald fyrir hvern hund en þeir eru undanþegnir árlegu eftirlitsgjaldi fyrir allt að two hunda. Hundar á lögbýlum mega vera lausir á landi þeirra. Að öðru leyti gilda önnur ákvæði samþykktarinnar um hunda á lögbýlum.

Skrá skal þjónustuhunda sem nýttir eru til atvinnustarfsemi svo sem sérþjálfaða leiðsögu- og hjálparhunda, björgunarhunda, löggæsluhunda og hunda í landbúnaði. Af þeim er greitt skráningar-gjald en þeir eru undanþegnir árlegu eftirlitsgjaldi.

## 8. gr.

*Hundar í óskilum og hættulegir hundar.*

Hafi hundur sloppið frá umráðamanni og hann ekki náð hundinum eða hundur finnst og umráðamaður er ókunnur ber Dýraþjónusta Reykjavíkur ábyrgð á að taka við dýrinu og vista. Sé hundur merktur, skal umráðamanni tilkynnt um handsömunina svo fljótt sem auðið er.

Vitji umráðamaður ekki hunds innan viku frá því að honum var tilkynnt um handsömun hans eða ef umráðamaður finnst ekki innan tveggja vikna er Dýraþjónustu Reykjavíkur heimilt að ráðstafa hundinum til nýs umráðamanns, dýramiðlunar eða selja hann fyrir áföllnum kostnaði í samræmi við 24. gr. laga um velferð dýra. Séu önnur úrræði fullreynd er Dýraþjónustu Reykjavíkur heimilt að láta aflífa hundinn.

Hafi óskráður hundur verið handsamaður skal hann skráður, sbr. 4. gr., og afhentur umráðamanni að því loknu eins fljótt og auðið er. Heimilt er að taka tillit til þess í gjaldskrá hvort handsamaður hundur sé skráður í Reykjavík, sbr. 4. gr. eða öðru sveitarfélagi. Um áfallinn kostnað vegna handsömunar og/eða vistunar vísast til gjaldskrár hverju sinni.

Hafi Dýraþjónusta Reykjavíkur ástæðu til að ætla að hundur sé hættulegur eða hafi valdið líkamsþjóni, s.s. með biti, getur Dýraþjónusta Reykjavíkur gert kröfu um að umráðamaður hunds láti hundinn undirgangast skapgerðamat. Matið skal framkvæmt af sérfróðum aðila, s.s. dýralækni eða öðrum aðila sem Dýraþjónusta Reykjavíkur telur til þess bæran. Heimilt er að leita yfirmats ef eftir því er óskað. Allur kostnaður af matinu skal greiddur af umráðamanni.

Leiði skapgerðarmat í ljós að hundur telst hættulegur, getur Dýraþjónusta Reykjavíkur gert kröfu til þess að hundur verði aflífaður.

Verði umráðamaður ekki við kröfum sem Dýraþjónusta Reykjavíkur gerir samkvæmt þessari grein, getur heilbrigðisnefnd Reykjavíkur ákveðið að hundur undirgangist skapgerðamat og/eða verði aflífaður.

Bannað er að árásarþjálfa hunda nema í löggæsluskyni.

## III. KAFLI

**Lausaganga, taumskylda og óheimilir staðir.**

## 9. gr.

*Taumskylda og sérstakar takmarkanir.*

Taumskylda er í öllu borgarlandinu nema annað sé tekið fram og skal virða hana.

Heimilt er að vera með hunda í taumi á göngustígum borgarinnar, í almenningsgörðum, í Heiðmörk, nema á brunnsvæðum, á hesthúsasvæðum í Víðidal og á Víðivöllum og ávallt í fylgd umráðamanns eða einstaklings sem ætla má að hafi vald á hundinum.

Óheimilt er að fara með hunda á útvistarsvæðin utan göngustíga í Heiðmörk og Öskjuhlíð á varptíma fugla á tímabilinu 1. maí - 15. ágúst, bakka Elliðaánnu um laxveiðítíma við merkta veiðistaði á tímabilinu 1. júní - 15. október og í Nauthólvík.

Óheimilt er að láta hunda vera lausa innan marka þéttbýlis, nema þjónustuhunda sem nýttir eru til atvinnustarfsemi svo sem sérþjálfaða leiðsögu- og hjálparhunda, björgunarhunda, löggæsluhunda og hunda í landbúnaði, þegar þeir eru að störfum í gæslu umráðamanns.

Sé hundur tjóðraður skal hann vera undir eftirliti umráðamanns eða einstaklings sem ætla má að hafi vald á hundinum. Þegar hundur er tjóðraður á löð, skal taumurinn ekki vera lengri en svo að komast megi óhindrað framhjá hundi að aðaldyrum húss. Hundur skal ekki vera tjóðraður nema í skamman tíma í senn.

## 10. gr.

*Lausagögustaðir.*

Heimilt er að sleppa hundum lausum á eftirtöldum stöðum og svæðum sem skulu nánar skilgreindir á korti útgefnu af Dýraþjónustu Reykjavíkur og birt á heimasiðu Reykjavíkurborgar:

1. Geirsnefi.
2. Geldinganesi.
3. Á tilteknu svæðum á Austurheiðum norðan Rauðavatns í samræmi við framangreint kort útgefnu af Dýraþjónustu Reykjavíkur.

4. Innan hundaheldra girðinga (t.d. sérstök hundagerði), hundaæfingasvæða og annarra svæða sem kunna að verða skilgreind sem lausagöngusvæði af borgaryfirvöldum.
5. Á auðum svæðum s.s. útmörk utan skipulagðrar íbúðarbyggðar, utan akvega, reiðstíga og skipulagðra göngustíga.

Dýrapjónusta Reykjavíkur í samráði við heilbrigðisnefnd Reykjavíkur getur heimilað lausagöngu hunda utan þessara svæða tímabundið, t.d. í tengslum við sérstaka viðburði eða verkefni.

Lausaganga skal alltaf vera undir umsjá umráðamanns eða einstaklings sem ætla má að hafi vald á hundinum.

11. gr.  
*Óheimilir staðir.*

Ekki má hleypa hundum inn í húsrými, s.s. skóla, leikvelli, íþróttavelli eða þá staði, sem um getur í 1. mgr. 19. gr., sbr. fylgiskjal 3 í reglugerð um hollustuhætti nr. 941/2002, nema í tilvikum þar sem heilbrigðisnefnd hefur heimilað, sbr. 1. mgr. 19. gr. reglugerðarinnar. Heimilt er að fara með hunda inn í íþróttamannvirki, heilbrigðisstofnanir eða snyrtistofur þegar og þar sem starfsemin er sérstaklega ætluð dýrum. Einnig eru hundar heimilaðir í strætó og á þeim veitingastöðum sem við á, sbr. ákvæði sömu greinar.

Óheimilt er að hleypa hundum inn í húsnæði matvælafyrirtækja, sbr. reglugerð nr. 103/2010 um gildistöku reglugerðar Evrópubingsins og ráðsins (EB) nr. 852/2004 um hollustuhætti sem varða matvæli, og reglugerð nr. 405/2004 um náttúrulegt ölkelduvatn og átappað lindarvatn.

Víkja má frá fyrirmælum samþykktar þessarar sem banna eða takmarka umferð og dvöl hunda um tiltekna staði þegar um er að ræða þjónustuhunda sem nýttir eru til atvinnustarfsemi svo sem sérþjálfaða leiðsögu- og hjálparhunda, björgunarhunda, löggæsluhunda og hunda í landbúnaði.

12. gr.  
*Bannaðar hundategundir.*

Óheimilt er að halda hund í Reykjavík af tegund sem Matvælastofnun hefur bannað innflutning á.

**IV. KAFLI  
Gjaldtaka.**

13. gr.

Fyrir skráningu hunds skal umráðamaður greiða gjöld sem renna til borgarsjóðs, annars vegar skráningargjald og hins vegar árlegt hundajald. Gjöldum þessum er ætlað að standa undir kostnaði Reykjavíkurborgar og Dýrapjónustu Reykjavíkur af veitri þjónustu og framkvæmd eftirlits við hundahald. Borgarstjórn setur gjaldskrá samkvæmt ákvæðum 59. gr. laga nr. 7/1998 um hollustuhætti og mengunarvarnir.

Skráningargjald greiðist við skráningu hunds og árlegt hundajald síðan 1. mars með eindaga 1. maí ár hvert.

**V. KAFLI  
Stjórnsýsla, kæruheimildir, refsiviðurlög og lagatilvísanir.**

14. gr.

*Heilbrigðiseftirlit Reykjavíkur.*

Heilbrigðisnefnd Reykjavík fer með málefni hunda og hundahalds samkvæmt lögum nr. 7/1998 um hollustuhætti og mengunarvarnir og hefur eftirlit með framkvæmd samþykktar þessarar. Dýrapjónusta Reykjavíkur fer með framkvæmd samþykktar þessarar í umboði heilbrigðisnefndar, nema sérstaklega sé getið um eftirlit heilbrigðiseftirlits í samþykkt þessari.

Dýrapjónusta Reykjavíkur fer með almenna þjónustu við hundaeigendur og almenning í Reykjavík og ber ábyrgð á þeim verkefnum sem henni eru falin samkvæmt þessari samþykkt.

Heilbrigðiseftirlit Reykjavíkur fer með málefni heilbrigðisnefndar Reykjavíkur samkvæmt lögum nr. 7/1998 um hollustuhætti og mengunarvarnir, sbr. 3. mgr. 37. gr. sveitarstjórnarlaga nr. 138/2011, sbr. einnig viðauka 2.2 við samþykkt um stjórn Reykjavíkurborgar og fundarskóp borgarstjórnar,

viðauki um embættisafgreiðslur framkvæmdastjóra Heilbrigðiseftirlits Reykjavíkur. Heilbrigðiseftirlit Reykjavíkur, í umboði heilbrigðisnefndar fer með stjórnsýsluleg málefni hunda og hundahalds innan lögsagnarumdæmis Reykjavíkur, sbr. framangreind lög og samþykkt og framfylgir þeim samkvæmt umboði frá heilbrigðisnefnd Reykjavíkur.

Stjórnvaldsákvarðanir sem Heilbrigðiseftirlit Reykjavíkur tekur á grundvelli þessarar samþykktar, laga nr. 7/1998 um hollustuhætti og mengunarvarnir og reglugerða settra samkvæmt þeim eru kæranlegar til úrskurðarnefndar umhverfis- og auðlindamála, sbr. 65. gr. laga nr. 7/1998.

#### 15. gr.

##### *Aðstoð löggreglu.*

Dýrapjónusta Reykjavíkur og/eða Heilbrigðiseftirlit Reykjavíkur geta, ef þörf krefur, leitað atbeina löggreglu við að framfylgja samþykkt þessari og ákvörðunum teknum á grundvelli hennar.

Dýrapjónustu Reykjavíkur og Heilbrigðiseftirliti Reykjavíkur ber að leitast eftir samstarfi við löggreglu um framkvæmd samþykktar þessarar, eftir því sem við á.

#### 16. gr.

##### *Pvingunarúrræði og afturköllun leyfa.*

Um valdsvið og þvingunarúrræði fer samkvæmt ákvæðum laga nr. 7/1998 um hollustuhætti og mengunarvarnir.

Sveitarstjórn er heimilt að afturkalla skráningu dýra ef vanhöld verða á tryggingum eða greiðslu skráningargjalds sem og ef eigandi hefur brotið gegn samþykkt þessari. Einnig er heimilt að afturkalla allar skráningar telji sveitarfélagið það nauðsynlegt í þágu hollustuháttu og öryggis. Jafnframt getur sveitarfélagið, telji það og héraðsdýralæknir brýna þörf á, af sömu ástæðu bannað eða takmarkað gæludýrahald í dreifbýli.

Ef skráður eigandi eða umráðamaður hunds vanrækir skyldur sínar eða brýtur ítrekað gegn ákvæðum samþykktar þessarar eða öðrum reglum sem gilda um hundahald getur sveitarstjórn bannað viðkomandi að halda hund og látið fjarlægja hundinn.

Skráðum eiganda dýrs er skylt að greiða kostnað sem leiðir af brotum á samþykkt þessari.

#### 17. gr.

##### *Lagahheimild.*

Samþykkt þessi staðfestist hér með skv. 59. gr. laga nr. 7/1998 um hollustuhætti og mengunarvarnir til þess að öðlast gildi við birtingu. Frá sama tíma fellur úr gildi samþykkt nr. 478/2012 um hundahald í Reykjavík með síðari breytingum.

*Umhverfis-, orku- og loftlagsráðuneytinu, 11. mars 2022.*

F. h. r.

**Sigurbjörg Sæmundsdóttir.**

*Trausti Águst Hermannsson.*

---

B-deild – Útgáfudagur: 25. mars 2022